

寶相讚文句釋

能海上师集
任杰 敬釋

五臺山大塔院寺倡印
二〇〇〇年五月·北京

宝相讚.....	1
序	1
三宝总讚.....	1
一 讚佛宝.....	2
二 讚法宝.....	7
三 讚僧宝.....	17
宝相讚文句釋.....	23
序	23
三宝总讚.....	28
一 讚佛宝.....	29
二 讚法宝.....	78
三 讚僧宝.....	136

寶相讚

能海上師集

序

学习佛道始终之要，必依於三宝之体系学习。初中后时，义有所归，理不离乱。本宗传承修学次第之方便者，总分四门：

- 一 法相門。即今所學之寶相讚，總釋三寶之體相名數故，不致籠侗。
- 二 法性門。依彌勒菩薩《寶性論》，了知自性三寶一切有情平等之理，鼓勵向上。
- 三 次第門。依菩提道次第，明此入修之理事緊要作法，攝理歸宗。
- 四 止觀門。依三皈依觀法，爲皈依始終攝修之總境，成就戒定慧等五法蘊之最初方便大路，免得流浪無家可歸。

三寶總讚

一 讚佛寶

諸一切種諸冥滅，大悲三智十力身。
法界虛空一切種，如其所有盡所有。
無上正等正覺知，觀諸眾生同一子，
我今皈依永皈依，皈依佛道誓願成。

二 讚法寶

佛說三藏十二部，教證名言諸軌持，
流转還灭體相用，名詮旨趣等隨行。
諸乘道地一切證，能依所依因果等，
我今皈依永皈依，皈依法門願修證。

三 讀僧寶

三賢十地四果向，剃髮染衣具戒者，
三乘四部八大士，从佛轉輪聖比丘。
龍樹無著執金剛，法王第二露桑札，
大悲法流恩師眾，出家得戒傳法尊。
具戒定慧解脫等，度生大願流無盡，
我今皈依永皈依，願斷煩惱度有情。

寶相讚 即是皈依三寶始終學修攝要頌之體相讚廣解，亦名聖教法相初基。

南無文殊師利菩薩

一 讀佛寶

諸一切種、諸冥、滅 「(一)解諸 (二)解一切種冥
(三)解諸冥 (四)解滅」

(一)解諸

諸謂諸如來，具足三德者，由能破闇昧，故稱為冥滅。

(二)解一切種冥

一切種冥者，諸於諸境界，極遠時處等，及諸法義類，
無邊眾差別，智所不及愚，能覆於實義，及障真見故。
不識赤鹽等，如來永對治，一切境界冥，究竟證無生。

(三)解諸冥

諸冥貪瞋痴，慢疑身邊見，見取戒禁取，邪見等使十。

(四)解滅

是煩惱根本，隨流又二十，如是惑等盡，乃至習氣離。

大悲、三智、十力、身 「(一)解大悲 (二)解三智
(三)解十力 (四)解四身」

(一)解大悲

悲者言拔苦，生法缘无缘，生者从他生，凡外等皆具。

法缘观无量，从佛言教生。无缘无所藉，不忍非希冀，
大悲尽有情，等心不差异，徧空际时间，悲流恒无尽。

(二)解三智分三

声闻一切智，菩萨道种智，圆满大觉尊，一切种种智。

一 一切智

一切谓内外，唯有十二处，诸声闻缘觉，依一切法体，
修无常苦等，作十六观行，乃至断我执，证三道体智。

二 道种智

云何道种智，凡诸声闻道，及成如来道，一切道生起。
一切道现证，如是断证门，道所作之愿，及满众生愿。
庄严净佛刹，至正等现边，诸道种种智，是菩萨所作。
依於一切乘，定出离成办，证未究竟成，度他苦为果。

三 一切种智

圆满大觉尊，一切种智者，若一相一名，或一抉择者。
尽其所有法，此何相何名，应云何抉择，如来同一时。
不待少思维，各各现量知，而无有错失，是为如来智。
依诸法无生，悲心利有情，於正等现边，究竟无加行。
以何因缘故，如来有所为，若起一切智，即如声缘等。
若起道种智，即同诸菩萨，或起一切种，一一智所应。

(三)解十力

一 三世因果名为处，我等自性为非处，

能悉了知真实义，第一处非处智力。

二 过去未来现在世，所有一切善恶业，

能悉了知无不尽，第二三世业报智。

- 三 诸禪解脫及三昧，雜染清淨無量種，
能悉了知入住出，第三諸禪解脫智。
- 四 隨諸眾生根力鈍，如是種種精進力，
能悉了達分別知，第四諸根勝劣智。
- 五 一切眾生種種解，心所好樂各差別，
如是無量能悉知，第五種種解智力。
- 六 眾生諸界各差別，一切世間無有量，
能悉了知其體性，第六種種界智力。
- 七 一切有為諸行道，一一皆有所至處，
悉能了知其性實，第七至處道智力。
- 八 一切世界諸眾生，隨業漂流無暫息，
能得天眼皆明見，第八天眼無碍智。
- 九 过去世中曾所有，如是體性如是相，
能悉了知其宿住，第九宿命無碍智。
- 十 一切眾生諸結惑，相續現起及习氣，
能悉了知究竟盡，第十永斷習氣智。

(四)解四身

一 自性身

能仁自性身，無漏法為體，得、成、稱徧淨，本自性具有，
云何淨轉淨，許性不異故。

二 智法身

法性不異本，安立種種異，以無戲論智，無漏淨念體。
共菩提品及無量，種種解脫解脫竟，
四禪四空滅盡等，十盡或云徧處定。
威勢鎮伏生處者，最極分辨勝處八，
煩惱灭除願智滿，各各神通正等明。

一切种等四智体，十自在及十智力，
众中说法无畏四，唯佛不共法十八。
身口意无失，心无有不定，异相不知捨，不灭法六种。
欲念勤智慧，解脱解脱智，三业随智行，了三世无碍。
习气正真净，心生唯大悲，一切种智性，称为法性身。
法性身所作，最极广大故，如是徧圆满，世尊更立名。

三 受用身

能仁受用身，以色法为体，相好三十二，随形好八十。
为地上菩萨，或乐受用身，净土修行者，随彼而显现。

四 应化身

若凡诸有中，尽种种有情，作种种利乐，应化不同伦。
无染大贪流，相续恒无尽，复由修持力，般若佛母等。
胜义等三身，俗智受用身，作所依显现，是为应化体。
尽轮转所有，於中无贪爱，及善解脱者，而兴於四摄。
令彼诸烦恼，行相净或证，尽有情义利，施等彼岸净。
佛道自性空，二无我之证，安立所缘无，圆满众生愿。
菩提道不谬，证得大菩提，佛刹土严净，决定利有情。
四无量等心，佛所依功德，任何菩提支，谛见断颠倒。
彼体无之理，及行相清净，调伏非调伏，二者无差异。
示现佛涅槃，利他及自利，二利等事业，名法身大用。

法界虛空一切种

「(一)解法界 (二)解虛空
(三)解一切种」

(一)解法界

法界即此心，所缘诸现相，有情界及器，有情界有十。
六凡四称圣，由诸界圣凡，心力缘所生，无始亦无作。
九有有情居，说名器世界，是惑业之果，凡夫莫能外。

(二)解虛空

一 有法不生灭，豁虛无障碍，性常屬真实，名虛空无为。

二 又由无漏智，择別於諸法，断除諸障染，曰择灭无为。

三 性一真法界，本自性涅槃，或緣缺不生，說為非择灭。

(三)解一切种

一切謂眼耳，鼻舌身心意，色声香味触，法处等十二。

种种謂性、相、体、能力、作用，諸因緣果報，本末究竟等。

如其所有尽所有

十二處隨一，性相等徧了，如其所有性，盡其所有相。

无上正等正覺知

凡夫无所知，邪外顛倒知，諸聲聞緣覺，非正真淨等，

菩薩知有上，如來無與等，能知能正知，等知亦無上。

觀諸眾生同一子

悲眼觀眾生，不了法真實，誤失由我痴，繼生於我見。

我愛我慢等，斷常諸計執，怨親起瞋貪，取捨造眾業。

隨苦樂諸趣，浮沉無已時，惑業苦如繫，動轉力唯識。

車輪上復下，有頂又阿鼻，上難就下易，連縛十二支。

眾生苦火宅，耽湎而嬉戲，不畏蛇蟲毒，魑魅猛火起。

佛世間之父，愍諸六道子，善惡賢愚類，等念無差別。

大悲方便語，四十九年說，制律建伽藍，修行諸軌儀。

令諸眾生類，知三世極苦，悉究竟皈依，明黑白業道。

依四諦等法，求決定出離，使發無上心，得究竟菩提。

我今皈依永皈依

一切法無我，我隨世立名，表能皈依者，補特伽羅位。

皈依如来竟，世世不捨离，直至菩提座，永不皈依餘。

皈依佛道誓愿成

由何故皈依，为断诸烦恼，学法度众生，佛道誓愿成。

二 讚法寶

佛说三藏十二部

「(一)解三藏
(二)解十二部」

(一)解三藏

素怛缆曰经，毗奈耶曰律，阿毗达磨论，摄多无尽藏。
以次第贯穿，表人事缘起，显真实相性，论心戒慧道。
流出由佛力，大悲及无畏，杂说及学处，别诸法自共。
令初种善根，令善根相续，相续得成熟，分别说三藏。
始业入正法，串习令受持，通达超作意，增上三学处。
弟子天等说，佛忍符法印，从一智海生，同一悲源流。
等力无畏故，故皆称佛说，三藏随依一，皆互摄餘二。

(二)解十二部

- | | |
|---|------------------------------------|
| 一 | 法本为契经，直说种种义，如缕贯众花，契机亦合理。 |
| 二 | 令经义更明，受持易坚固，忘失诸晚来，故佛复重颂。 |
| 三 | 广造众恶业，必当堕恶道，弟子当作佛，是等名授记。 |
| 四 | 如来常随众，解甚深法义，直说略前后，便讽诵孤起。 |
| 五 | 若有深妙义，欲宣无问者，佛自开端由，称无问自说。 |
| 六 | 因何说是经，以何事结戒，起佛语之缘，说明为因缘。 |
| 七 | 世间相似语，柔软意浅深，由此入深法，说名为譬喻。 |
| 八 | 说过去人事，说名为本事。 |
| 九 | 若现在人事，而起先因缘，说名为本生，未来从现过，
是故不别说。 |

十 方广大说，諸法性相等，初中后次第，具足满分说，如大般若等。

十一 放光劫变易，希有諸了义，凡小不常闻，说名未曾有。

十二 广析法相性，问辩入深微，佛说或弟子，皆称为论议。

教证名言諸執持

教体说及闻，自他修果证，名句并言文，法义之所依。

法者谓執持，能持執自体，令他解不异，諸言摄无餘。

三藏总聚集，文相分十二，内体唯证教，修行之所依。

流转还灭体相用 「(一)解流转 (二)解还灭 (三)解蕴边界
(四)解四圣谛 (五)解十二缘起 (六)解六度」

总解

江河急驶，往而不回，出无明渊，成三界流，
欲流有流，见流痴流，漂溺有情，恋莫能住，
十二因缘，河身宛转，惑业苦果，流势洄旋，
三苦六道，转变不停，思反彼岸，涸无明源，
息诸流注，不随洄旋，离苦漂没，说为还灭。

(一) 解流转

名 流转亦有为，生住异灭故，或苦集斗净，蕴边界为体。

相 三界九有情，是流转苦相，惑业苦互兴，是流转之用。

(二) 解还灭

名 还灭息众流，或称为灭道，其体即涅槃，或谛缘度等。

相 五道十地阶，果向等为相，道品诸方便，说为还灭用。

(三) 解蕴边界

说蕴唯有五，色受想行识。色蕴分能所，能造属大种，

名地水火风，性坚湿暖动，持摄熟长用，徧而能作种。所造谓五根，五境及无表，眼耳鼻舌身，色声香味触。根者自在义，主宰或增上。对根者属境，所缘各各分。无表从身语，表业之所生。善不善无记，业或种子称，或说法处色，意所缘之境，极迥微定果，受所引徧计，能所犹父子，造者生因义。受蕴性领纳，随触苦乐捨，苦生时欲离，乐灭时欲合，捨不生离合，或说六受身。能增胜取境，安名曰想蕴。行蕴又分二，相应不相应，相应名心所，各从心王命，徧行五谓触，作意受想思。别境起不起，欲解念定慧。善谓信慚愧，无贪等三根，勤安不放逸，行捨及不害。烦恼贪瞋痴，慢疑不正见，不正见复五，身见及边见，见取戒禁取，四餘名邪见。随烦恼谓忿，恨覆恼嫉悭，诳谄与害惱，无慚及无愧，掉举与昏沉，不信并懈怠，放逸及失念，散乱不正知。不定谓悔眠，寻伺等各二，日光鉗取物，心用五十一。不相应行得，命根众同分，异生无想定，无想报灭尽，名句文身等，生老住无常，流转与定异，相应及势速，次第时方数，和合不和合，无质非能缘，生灭非无为。依王所及色，分位差别假，识从根立名，各起了别用，眼耳鼻舌身，唯了自性境，有分别计度，随念称为意，或更说末那，阿赖耶等识。诸识生长门，立为十二处，种种相烦多，分别摄为界，十二加六识，故数有十八。聚生门种族，是蕴处界义，愚根乐三故，说蕴处界三。

(四)解四圣谛

解谛

云何名为谛，不颠倒实有。^(不)无变易二行，^(无)不更起相违。

文义亦相称，治身见断见，常见无事见，亦治四颠倒。
执三界为乐，佛说苦圣谛，邪因自在等，佛说集圣谛。
寿长执永生，佛说灭圣谛。裸体吞金石，投岩事水火，
吐纳坚固身，练气调精神，解脱失方便，佛说道圣谛。
观生死过失，观涅槃安稳，分别世出世，各各因果分。

解圣

离贪等自在，超常不生义，圣人之所生，亦出生诸圣。

解苦

观受唯是苦，苦乐行或八，苦苦谓生老，病死怨憎会。
乐苦爱别离，及求不得苦，行苦五取蕴，相续最难知。
生为众苦依，变坏为老苦，病苦困逼身，死苦诸根坏。
厌恶怨憎会，可爱痛别离，希求不遂愿，相续转增胜。
苦苦众皆厌，乐苦最难知，轻苦或变易，对苦作乐观。
或暂乐长苦，或苦多乐微，如坏井蛇泉，刀蜜钩毒味。
轮王乐四洲，针刺即感痛，鲜衣上味污，少苦敌多乐。
苦属刹那性，故说苦无常，由惑业繫取，不自在说苦。
他主宰实无，故说苦为空，诸苦无自性，故说苦无我。

解集

信解苦谛已，显苦随属因，苦谛如机关，动力说名集。
不出生死牢，贪爱坚锁繫，求出生死狱，应断诸缚集。
渴爱说名集，亦平等聚生，执梵天自在，时性大空等。
邻虚合流注，不了缘生义，破邪因无因，而说於集谛。
集谛又四相，集因诸惑种，集集说为业，如疮渐次发。
集生痛苦起，犹如忽被刺，集缘三相助，逻卒守罪人。
从生乃至死，逼令造众业，作众多戏弄，世智莫能越。

解灭

灭有多种义，念念及相违，^三_四中间无生等。云何念念灭，有为刹那谢；相违谓有为，性乖用不起，由施戒定等，贪瞋暂不生，说为中间灭，无生灭因尽，惑等永不生。又无为无下，无流及真谛，彼岸及听细，难见及无伪。无诤斗无失，无譬无戏论，寂静不死露，极妙止安善。爱尽及希生，无枉未曾有，无灾害涅槃，不思议不生。无迹非作者，无忧住无等，无求及无边，微细及无损。离欲染洁净，解脱非依住，非对无等等，无害甚深细。难解能度彼，无上圣胜果，无畏怖不捨，徧满难称量。无数贞不破，为尊应讚仰，为捨皈依处，无诤无虚假。无垢除闇灯，乐无墮及洲，不动无所有，无作种种名。灭谓灭我相，断烦恼之离，解脱言苦尽，妙善阿练若。是境是能作，空无愿无相，离三作成就，此决定出生。

解道

道者趣菩提，体智之能作，道品多属用，顺理诸方便。戒定慧等学，心住理能行，由修解脱行，能生尽苦智。三十七助道，四念处正勤，及四如意足，五根五力等。七觉八正道，略为四念处，开则三十七，更广复无尽。不以一种药，而治众病故，餘无量修法，皆摄在此中。

(五)解十二缘起 (出《俱舍论》)

无我唯诸蕴，烦恼业所为，由中有相续，入胎如灯焰。如引次第增，相续由惑业，更趣於餘世，故有轮无初。如是诸缘起，十二支三际，前后际各二，中八据圆满。
 宿惑位无明，宿诸业名行，^三_四识正结生蕴，六处前^四名色。
 从生眼等根，三和前^五六处，於三受因异，未了知名触。

在淫愛前受^七，貪資具淫愛^八，為得諸境界，偏馳求名取^九。
有謂正能造^十，牽當有果業，結當有名生^{十一}，至當受老死^{十二}。
傳許約位說，從勝立支名，於前後中際，為遣他愚惑。
三煩惱二業，七事亦名果，略果及略因，由中可比二。
从惑生惑業。从业生於事。从事事惑生。有支理唯此。
於前後中際，為遣他愚惑。三煩惱二業，七事亦名果，
略果及略因，由中可比二。从惑生惑業，从业生於事，
从事事惑生，有支理唯此。

(六) 六度頌 依《大乘莊嚴經論》

施

無貪善根勝思惟，以己身物施受者，
施物成就財增益，施身經中說五事，
壽命容色身力強，安樂辯才皆增上，
自他二攝圓菩提，身物苦集不堅性，
法施自他醒愚迷，善習財法無畏施。

戒

具足受學諸學處，求涅槃道滅諸有，
戒果人天无忧惱，次第住心成等持。
任持功德如大地，止息一切煩惱熱，
遠罪緣起離憎怖，福資具足慧相應。
身口意業善淨行，羯磨受得法得二，
法得定共得定生，道共得果無流等。

忍

仇怨不報耐眾苦，法忍智生三次第，
依大悲因依法起，法言持戒多聞慧。
經說忍德五果相，少憎少嫉妒他意，

喜乐临终无悔恨，往生人天善道行，
二利速成行难行，具足最胜无上称。

精进

善业勤修正勇猛，信心欲乐堪劬劳，
念力定力对治生，善法乐住离杂染，
三学身心无间重，精进品类七种分。

静虑

调心内住念无忘，不失所缘巧精进，
生起喜乐离退失，五通现得住三住。
施戒天住无量梵，三空三乘圣者居，
诸法上首定相应，有寻有伺唯有伺，
无寻无伺三类地，喜俱乐俱捨念俱。

般若

离邪离世正择知，依定持慧如实解，
流变垢染善脱离，抉择世出世间智。
大出世间之慧命，无上正知慧命者，
正说正法正缘生，诸法无匹胜中胜。

名诠、旨趣等、随行

「(一)解名诠 (二)解旨趣
(三)解究竟旨趣 (四)解随行」

(一)解名诠

能诠自性名句法，忆持不忘精刻记，
所诠差别众法义，性相分别界地等，
总别同异善分摄，理符三支无过失。

(二)解旨趣

教证法法具宗要，各各因由各各理，
反正顺违取捨知，心善抉择不移义。

(三)解究竟旨趣

大乘究竟之旨归，平等普摄尽有情，
无上正等正菩提，教证宗要各各具。

(四) 解隨行

识相明宗究竟知，依法起修次第正，
初中后善入住转，容易不倒不迟漫，
远离痴盲我慢行，不了次第五见等。

諸乘、道、地、一切证 「(一)解諸乘 (二)解五道
(三)解十地 (四)解一切证」

(一) 解諸乘

乘者言教体，佛说如筏喻，八万四千门，依悉檀攝机。
分大小显密，皆同法同性，同说同解脱，多乘唯一乘。

(二) 解五道

一 資糧

五道先資糧，資糧有十七，悲心施等六，止觀諸所有，
兼運不離道，悉方便善巧，福慧二資糧，道總持十地，
對治行資糧，行次第應知，集積資糧富，快迅而無阻。

二 加行

加行煥頂忍，勝法十六現，空無我行緣，利他功德見。

三 见道

見道見未見，四諦忍智全，四相無所緣，了修道方便。

四 修道

修道指甚深，甚深般若證，若生若滅等，真如與正智。
智行等無二，方便善巧深，四九三十六，佛最極清淨。

五 无學道

二十種僧數，最後聲緣位，體性二種分，謂有為無為。
云何為有為，謂於彼果得，及彼應得得，謂無學根力。
無學眾戶羅，無學五善根，^{八正、正解脫、正智}無學十種法，及彼種類中。

一切无学法，有为罗汉性，无为阿罗汉，永断贪瞋痴。
诸烦恼悉尽，超一切趣心，断一切道业，三毒火息静。
焦渴永止息，离骄不放逸，无明窟宅破，过渡四瀑流。
无上究竟寂，无上爱欲尽，离灭得涅槃，无为罗汉性。

(三) 解十地

声缘地

地说八或十，大小分合异，名位应当知，起正信胜解。
声缘种性地，随流八忍得，称名八人地，预流得见道。
称名为见地，能断三徧行，一来果薄地，多分贪等离，
不还离欲地，尽断下分结，得入罗汉向，名为作证地。
声缘罗汉果，第七第八地，菩萨第九地，佛地等为十。
决定声缘人，止第七第八，回心向大者，须第九第十。

菩萨地

大乘初发菩提心，即学菩萨佛地事，
不离声缘根本学，二利互成不思议。

一初极欢喜地

极喜十法应修治。

二离垢地

离垢八法善思惟。

三发光地

发光五法常安住。

四焰慧地

焰慧十法不捨行。

五难胜地

极难胜十远离性。

六现前地